

大清會典八旗



大清會典卷之

八旗

授官

凡授官。拔擢論才品。推升計資俸。保舉視政績。記名即升。與卓異應升。分先後以定。正陪繫本旗及兩旗公補之官。由本旗及兩旗都統繫八旗公補之官。由直年都統均引

見候

旨補授。六品以下。注册。五品以上。咨兵部彙疏以



大清會典
八旗都統副都統駐防將軍都統副都統均由兵部疏請補授。詳見兵部○滿洲叅領由本旗都統列副叅領五人並移宗人府領侍衛府簡選宗室侍衛鎮國將軍以下奉國將軍以上咨送列名蒙古漢軍叅領列副叅領五人均引

見補授○副叅領於兼管印房之佐領世爵及應升各官內選擬正陪引

見補授○世襲佐領三等

國初各部落長率其衆來歸授之佐領以統其

衆爰及苗裔曰勳舊佐領繫適長房承襲者員闕以其子孫擬正以支庶曾管此佐領之子孫擬陪如承襲人無嗣及以罪廢子孫例不得襲仍於適長房分出之支簡選擬正繫支庶承襲者員闕亦以其子孫擬正以適長房之子孫擬陪如承襲人無嗣及以罪廢子孫例不得襲於適長房無佐領之支簡選擬正於通族內簡選擬陪及列名備用奉旨分給各支者按支分襲奏明衆支均與者每支選擬一人不分正陪適長房之子孫願讓與

支庶子孫承襲者。繫曾管此佐領人子孫。方
準義讓。始授佐領人無嗣。未經立後。有親兄
弟。暨伯叔之子孫者。不論曾管此佐領與否。
均得與正陪之選。若伯叔祖。雖曾管此佐領。
其子孫均不得與。承襲人無嗣。繼族子為後。
者。得與正陪之選。繼異姓為後。不得與。一支
有兩三佐領者。以未管佐領人子孫擬正。已
襲佐領人子孫擬陪。兩支各管一佐領者。以
承襲本支佐領人子孫擬正。別支擬陪。兩支
族人列名擬備。携挈族里。倡義歸誠。或功在

折常得

賜戶口者。爰立佐領。奕葉相承。曰世管佐領。繫始
授佐領人子孫承襲者。員闕。以其子孫擬正。
以別支曾管此佐領人子孫擬陪。繫始授佐
領人伯叔兄弟之子孫承襲者。員闕。仍以始
授佐領人子孫擬正。以其伯叔兄弟之子孫
擬陪。族人均列名擬備。始授佐領人無嗣。未
經立後。以兄弟之子孫承襲。無兄弟子孫。次
及伯叔之子孫。無伯叔子孫。次及近族。不論
曾管此佐領與否。均得擬正擬陪。若兄弟之

大清會典
子孫未襲。以伯叔之子孫承襲者。員闕。以兄弟之子孫擬正。其伯叔之子孫與選正陪。伯叔祖。曾伯叔祖。曾管此佐領者。其子孫但準擬陪。高祖以上。及於遠族。曾管此佐領者。其子孫但準列名。均不得擬正。始授佐領人子孫。願讓與伯叔兄弟子孫。及遠族承襲者。不論曾管此佐領與否。均準義讓。因本支已有佐領。於別支有分之佐領。不願與選者。聽至一族編成之佐領。以承襲人子孫擬正。於通族簡選擬陪。及列名擬備。戶少丁希。合編佐領。兩姓三

姓迭為是官者。曰互管佐領。員闕。以未管佐領人子孫擬正。已管佐領人子孫擬陪。餘與勳舊佐領同。皆由都統等造具譜牒。分系列名。名下注明應襲所由。進

呈

御覽引

見補授

盛京八旗。及游牧察哈爾。世襲佐領同。○公中佐領。以本旗不兼部務之。世襲佐領。以上官。並三品以下官。五品以上文武官。及世爵內。簡選。○滿洲。

蒙古驍騎校於本佐領下。護軍領催內。選十人。以二人擬正陪引。

見以一人擬備。漢軍驍騎校於本佐領下。領催內。選擬正陪。領催不充。選於出征効力年久之驍騎內。選擬如本佐領下。不得其人。於本旗內。選擬均由本旗都統等引。

見補授。○信礮總管。於八旗輕車都尉。騎都尉。信礮官內。簡選。由直年都統等引。

見補授。監守信礮官。於騎都尉。雲騎尉。護軍校。驍騎校。及六七八品官內。選擬正陪。城門吏。於前鋒

護軍領催。驍騎內。選擬正陪。均由本旗都統引。見補授。○犧牲所牧。於八旗騎都尉。雲騎尉內。選擬守護。

陵寢總管。由旗調取本處翼領一人。翼領調取本處防禦一人。均由直年都統等引。

見補授。翼領距京路遠者。列名以請。或在外無應列名之人。於在京應升人內。簡選防禦。由總管於本處應升驍騎校。及由前鋒護軍。選補之。贊禮部內。簡選一人。擬正。送京。其原官効力已逾數世者。子弟亦準與選。本旗都統等。於前鋒親軍。

護軍驍騎諸校及七品八品官內選一人擬陪。驍騎校由總管於本翼驍騎內選擬正陪。送京。均由本旗都統引。

見補授。○直省駐防協領由將軍等於本翼叅佐領內選一人擬正。山海關協領由副都統於所屬之永平等處防守尉并本處佐領內選一人擬正。送京。本旗都統於前鋒侍衛護軍驍騎副叅領。二等待衛。輕車都尉。佐領。步軍協尉。信礮總管內選一人擬陪引。

見補授。城守尉由將軍等於本處佐領。世爵內選一人擬正。送京。本旗都統於本旗前鋒護軍驍騎各叅領。一等待衛內選一人擬陪。德州城守尉。應兩黃旗公補。滄州城守尉。應兩白旗公補。保定府城守尉。應兩紅旗公補。太原府城守尉。應兩藍旗公補。由兩都統於兩旗叅領侍衛及本處防禦內選擬正陪。鄭家莊。河南開封府城守尉。應八旗公補。由直年都統等於八旗叅領侍衛。選擬正陪。均引。

見補授。叅領由將軍等於本翼防禦內選一人擬正。送京。本旗都統於輕車都尉。騎都尉。佐領。步軍

協尉內選一人擬陪。佐領。由將軍等於本翼防禦內選一人擬正。送京。本旗都統於三等待衛藍翎侍衛。監守信礮官。騎都尉。雲騎尉。及五品官內選一人擬陪。防守尉。由本旗都統於前鋒侍衛。護軍。驍騎副叅領。佐領。二。三。等待衛。及本處防禦內選擬正陪。防禦。由將軍等於本翼驍騎校內簡選送京。本旗都統於雲騎尉。護軍。驍騎諸校。六。七。八品官內簡選酌擬正陪。驍騎校。遠省於記名一。二。等之領催。及恩騎尉內選補。近省於領催。驍騎內選擬正陪。均由本旗都

統引

見補授。○游牧總管。由本旗蒙古都統。會理藩院於本翼一等待衛。前鋒。護軍。驍騎。各叅領。各部院蒙古郎中內簡選四人副管。由總管於本處子男。輕車都尉。叅領。騎都尉內選一人擬正。送京。本旗都統等。於前鋒侍衛。護軍。驍騎副叅領。步軍協尉。輕車都尉。騎都尉內選一人擬陪。游牧捕盜官。於前鋒。護軍。領催內選擬正陪。均由本旗都統引。

見補授。○黑龍江。寧古塔。四。五。六品管水手官。由將

軍於水手官領催。驍騎內以次選擬正陪。送京。八旗直年都統等引。

見補授。○王府長史。貝勒司儀長。由本旗都統於下五旗前鋒護軍驍騎各叅領佐領散騎郎一二等護衛子男輕車都尉騎都尉內每旗選二人送兵部定擬護衛以下由王公等選擬會兵部引。

見補授。叅領佐領均由本旗都統於本屬下護衛內選擬正陪引。

見補授。

凡兼攝職事各旗隨印協理事務叅領以本旗驍騎叅領兼攝印房理事官以本旗世爵及佐領驍騎校兼攝均由都統選擬正陪引。

見簡委。筆帖式於本旗護軍領催驍騎內簡選外郎。咨取漢軍官學生均送吏部考補。○管轄舊營房於滿洲蒙古世爵內擬正陪管轄新營房以每旗叅領世爵選擬正陪由都統引。

見簡委。驍騎校由都統等簡委。○八旗俸餉房馬冊房理事官由都統以本旗叅佐領驍騎校簡委兼攝。

大清會典
凡文武官改補旗員授綠旗營將弁五年任滿
不宜營務者由督提咨送兵部交旗改補八旗
武職副將以步軍翼尉城守尉協領用游擊以
前鋒護軍驍騎各叅領用都司以前鋒侍衛副
叅領步軍協尉佐領防守尉用守備以步軍尉
防禦用○文職改補者給事中御史道府以副
叅領佐領城門領用員外郎同知知州以步軍
尉監守信礮官用主事通判知縣以驍騎校用
小京官府州縣首領筆帖式以城門吏用均試
職一年擬補

凡降補一品官降一級調用由兵部列名請
旨降二級以下二品至五品官降一級以下各照所
降之級按品擬補於正升人後列名請
旨一二品官應降補六品者令在旗効力三年無過
進一級擬補三品官降四級四品官降三級五
品官降二級調用均以城門吏擬補無官可補
者罷職



